



**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 38. De Capitulis generalibus, quæ servavit Seraphicus P. Franciscus.
Eiusdem maledictio contra malè viventes, & Benedictio data Zelatoribus
Regulæ. Qualitates requisitæ in Prælatis. Mors S.

[urn:nbn:de:hbz:466:1-64103](#)

VINEA SERAPHICA.

tionem in hac Regula contentam, videlicet:

Quia in omnibus præceptis potest dispensare Visitator ex causa rationabili; omnis enim pœnitentia debet esse discreta, & discrecio mater est virtutum C. de off. cast. & pref. 1. q. 5. Virtus autem indiscreta pro viatio reputatur; quia Deus non exigit ab hominibus, nisi id, quod facere possunt, ideoque nimia austeritas in vigiliis, & jejuniis reprehenditur. C. non medicocriter de Cons. Dist. 5. Sicut ergo nimis negligens Deo exosus est, ita nimis indiscretè austerus ipsi non placet, quia omnia extrema sunt vitiola, ut dicitur II. Ethic. Medium autem tenuere Beati, Sanctique omnes. Ideoque Poëta 2do Metamorph. ait: Inter utrumque tene, medio tutissimus ibis. Et quæ major posset esse conscientiæ quies, & securitas? cum Nicolaus IV. hanc Regulam confirmans expresè statuat: Nullum peccare mortaliter transgrediendo aliquod præceptum ex his, quæ in Regula continentur. Neque voventes hanc Regulam intendunt se in professione aliter obligare, quam secundum obligationem Præceptorum Regulæ, & voluntatem Pontificis Regulam approbantis. Hæc ergo Regula est suave jugum, & leve onus, de quo Christus Matt. 11. Tollite jugum meum super vos, & invenietis requiem animabus vestris. Hæc est sancta Regula, quæ Observatores suos coronat in cœlis, adeoque illam profitentibus bene promittitur vita æterna, dum recipiens eos ad professionem cuilibet dicit: Si hæc servaveris, promitto tibi vitam æternam. Ipsa est seps ad divina Mandata servanda, & renovatio Sacramenti Baptismatis, in quo Christiani omnes renuntiaverunt diabolo, ac pompejus. Hæc est Regula dignificata propter Bullificationem; nam ad ostendendam Excellentiam hujus Regulæ D. JESUS insignivit institutorem sigillo suæ Passionis; imprimendo eidem biennio ante mortem in

monte Alvernæ 5. sacra sua Stigmata. Ut constat ex Legend. Ord. & ex S. Bonav. in Lection. II. Nocturni pro Feste Ss. Stigm. Sicut apposito sigilli authenticæ dat fidem veritati. C. scripta vero. Author. de fide instru. Ita Dei Filius non sigillo cereo, vel plumbeo, aut aureo; sed sigillo Dei vivi, & 5. Vulneribus sub specie Seraphim B. Patri impressis voluit hanc Regulam esse sigillatam, & plumbatam. Hucusque Venerabilis Servus Dei Bernardinus de Bustis.

C A P U T XV.

De Morte, & Sepultura Seraphici P. FRANCISCI.

XXXVIII. S. FRANCISCUS [dictus de Assisi, quia Assisi natus anno 1185. in stabulo bovem inter & asinum, secundum Angeli sub specie Mendici apparentis vaticinium] quod stabulum jam in Sacellum Piorum fidelium operâ fabricatum excrevit; ut & domus paterna Seraphici Patris; in qua renitente matre à proprio parente carceri datus fuit, ante quam Basilicam sculpti sunt sequentes versus:

*Sacra Dei surgunt FRANCISCI testa parentum,
Carcer ubi est missus, vincla paterna manent.*

Ecclesiæ hujus cura demandata est PP. Franciscanis de Observantia. S. FRANCIS-CUS à Mundo conversus habitum pœnitentialem induit 1206. primæ suæ Regulæ confirmationem accepit à Ss. D. Innocentio III. anno 1210. secundæ suæ Regulæ pro Fratribus conscriptæ, & ab ipso Domino nostro JESU S. Patri dictatæ, per Diploma Apostolicum approbationem obtinuit ab Honorio III. Pontificatus sui anno VIII. Capitula Generalia servavit IV. Primum Assisi à CC. La-

G 3 tera-

teranensi post approbatam Regulam redux sub *Honorio III.* secundum itidem servavit Assisi anno 1219, in quo ultra 5000. Fratres censemur convenisse, à S. Patre conscripti, exceptis iis, qui ad divina & domestica officia remanserant, præsentibus S. Bonaventurâ, & S. Dominico, cum Cardinale Hugolino, primo Ordinis Seraphici protectore; qui Fratrum exercitia quodam die perlustrans, advertensque omnes unanimi fervore Divina pertractare, & vario, miroque modo de Mundi, morumque reformatio agere, ad suos redux admirabundus dixit: verè castra Dei hæc sunt.

Ubi bene notandum. Tenebrarum infernaliū rector sub eodem hoc generali Ordinis Concilio multa millia suæ farinæ ex orco convocavit (*R. P. Alphonsus Rhoderiq. p. 3. Christ. Virt. T. 5. C. 18.* numerat eorum 18. millia.) Et in hospitali quodam non longè à Conventu Franciscanorum sito, Comitia Comitiis, consilia consiliis opposuit; eum in finem: quomodo neo-coepitam, & adolescentem Religionem Seraphicam in flore succideret. Quæ fusiū videri possunt in *Chron. Relig. Seraph. impressa Neapoli anno 1650. pag. 11.* Sed non diu latuit Seraphicum Patrem hostis aernalis dolus, quin conciliabuli istius acta resciret. Hinc interpositis ad Deum suis suorumque precibus, distracto Dæmonum conciliabulo, acjēque hostili dispersâ Confratres suos Capitulo dissoluto in pace dimisit, novam Apostolorum vitam, Evangelium, & pœnitentiam per orbem disseminatiros. Tum Capitulum Generale celebravit iterum Assisi anno 1220. in æde Portiuncula, in quo ab officio, & Vicariatu Generali absolvit F. Eliam, ejusque loco substituit F. Petrum Cataneum, Virum sanctum. Ubi NB. nullatenus Fratres, vel Ordinem consensisse, ut vivente S. Patre aliquis Minister Generalis

poneretur, sed Vicarius Generalis tantummodo appellaretur. Tum Capitulum Generale à S. Patre celebratum est anno 1221. in quo in defuncti F. Petri Catanei locum ex mirabili Dei dispositione denuo reassumpsit in Vicarium Generalem F. Eliam; cùmque Capitulum mox dissolvendum esset, jussit S. Pater omnes surgere, quibus pro lucranda animarum salute in Saxoniam, Germaniam, alijsque partes nondum penetratas contendendi esset animus; & ecce tibi! Spiritus Domini super eos] surrexerunt Fratres numero circiter nonaginta, quibus pro Deo, Fide, & animatum salute mori paratis præfecit F. Cæsarum de Spira, hominem à fervore, & sanctitate commendatissimum. Erat hic à S. Patre designatus Germaniæ Minister, qui ad opus hoc exequendum duodecim Clericos, cum quindecim Laicis secum assumpsit, alios per Lombardia, alios per Tridenti, alios per reliquas Saxonias, & Teutoniae plagas distribuit, ut sacrum Dei verbum disseminarent, pœnitentiæ viam aperirent, hæreticis lumen darent, peccatores converterent, omnisque ad cælum ducerent.

Ægrotanti denique & ultimâ infirmitate correpto S. P. FRANCISCO prope finem dixit quidam Frater: Pater! Tu transibis ad gaudium, & Familia hæc in valle lacrymarum relinquetur? innue nobis aliquem in Ordine, qui sit Generalis Minister, in quo tuus animus conquiescat. Respondit S. Pater miscens cantus verba suspirii: Tam magni, & multi modi exercitus Ducem, tam ampli, & dilatati gregem Pastoris, nullum (Fili) sufficientem intueor; sed volo vobis unum depingere, in quo reluceat, qualis esse debet at hujusmodi familiae Pater. Homo hic debet esse vitæ gravissimæ, discretionis magnæ, famæ laudabilis; homo, qui privatis amoribus careat, ne (si in parte plus diligit) in toto scandalum generet: homo, qui san-

et

Et orationis studio sit addic^tus, qui certas horas animæ suæ, certas gregi sibi commisso impendat. Nam primo mane Missarum Sancta debet præmittere, longâque devotione se ipsum, & gregem divinæ tutelæ commendare; post orationem verò se ipsum in publico statuat, ab omnibus disputandum, omnibus responsurum. Homo, qui personarum sordidum non faciat angulum; apud quem tam minorum, & simplicium cura vigeat, quām sapientum, & majorum; Homo, qui (si concessum est literaturā præcellere) plūs in moribus piæ simplicitatis imaginem ferat, faveátque veritati. Homo, qui execretur pecuniam nostræ Professionis, & perfectionis præcipuam corruptelam. Homo, qui nostræ Religionis caput imitandum se cæteris præbeat, nullis unquam loculis abutatur; sufficere debet huic pro se habitus & libellus, pro Fratribus verò scriptorium & sigillum. Non sit aggregator librorum, nec lectioni multū intentus, ne detrahat officio, quod erogat studio. Homo, qui consoletur afflitos, cùm sit refugium, seu bonum tribulatis; ne, si apud eum remedia defecerint sanitatum, desperationis morbus in infirmis prævaleat. Protervos ut ad mansuetudinem alliciat, se ipsum prosternat, & aliquid sui juris relaxet, ut animas lucrificat Christo. Ad refugium Ordinis reducat oves, quæ periérunt. Viscera pietatis non claudat, sciens tentationes esse prævalidas, quæ ad tantum possunt impellere casum. Non oportet eum arridere honoribus, nec favoribus plūs, quām injuriis delectari; promptiorem cibum, si quo indiget, non in abditis, sed publicis locis sumat, ut aliis tollatur verecundia debilibus providendi corporibus. Ad eum maximè spectat latentes distinguere conscientias, & ex occultis venis eruere veritatem, aurēisque non offerre multiloquiis. Talis denique debet esse, qui retinendorum

honorum cupiditate universalem formam justitiæ nullatenus labefaciat; non tamen ut ex superflua mansuetudine torpor nascatur, nec ex lassa indulgentia dissolutio disciplinæ, sīcque ab omnibus timeatur, ut ab ipsis timentibus diligatur. Vellem etiam Provinciales Ministros affabiles esse Minoribus, tantâque benevolentia præditos, ut eorum affectui non vererentur committere delinquentes. Vellem eos moderatos esse in præceptis; propitios in offensis; ferre magis peccatores, quām inferre injurias; hostes vitiis; medicos vitiosis; tales denique esse vellem, quorum vita cæteris esset spectaculum disciplinæ. Eos tandem vellem omni honore venerari, & diligi, sicuti qui pondus portant solitudinis, & laboris; summis eos præmiis apud Deum reputarem esse dignos, qui tali formâ, talique lege creditas sibi animas gubernarent. Vellem etiam eos habere socios præditos honestate, qui se omnibus præberent bonum exemplum; rigidos adversus voluptates, fortes adversus angustias, convenienter affabiles, ut omnes, qui ad se convenirent, sanctâ cum jucunditate reciperen^t. En (inquit) Generalis, & Ministri Provinciales tales esse deberent, talesque habere socios.

BENEDICTIO S. P. FRANCISCI
data Zelatoribus Regulæ.

Benedicti vos à Domino, qui errantes peccatores ad Dominum reducitis, viam veritatis illis ostenditis, & vos in sancta Evangelii observatione pueros sincerōsque custoditis; qui vobis benedicit, à Domino benedicatur; qui vos sovet, aut suscipit, mercedem recipiat æternam. Nullam in vobis potestatem Satan exerceat, supra id, quod potestis, non tentet; vobis super illum, illiusque asseclas sit imperandi facultas; portas illius possidete, & spolia diripite. Patris
vos

vos adjuvet Potentia, Filii vos dirigat Sapientia, & Spiritus S. vos foveat clementia. Amen.

*MALEDICTIO S.P. FRANCISCI
in scandalosè viventes.*

A Te sanctissime Pater, & à tota cælesti Curia, & à me pauperculo sint maledicti, qui suo malo exemplo confundunt, & destruunt, quod per sanctos Fratres hujus Ordinis ædificasti, & ædificare non cessas.

*Ultima Seraphici Patris morituri
BENEDICTIO.*

A Lloquebatur morti appropinquans S. Pater F. Benedictum de Pirastro Sacerdotem suum sequentibus verbis: Scribe Sacerdos Dei, qualiter benedico omnibus Fratribus meis, qui modò sunt in Religione, & qui venturi sunt usque ad finem sæculi, quoniam propter infirmitatem meam loqui non valeo; breviter voluntatem meam, & intentionem, in signum memorie meæ, benedictionis, & Testamenti cunctis Fratribus, presentibus, & futuris patefacio. Fratres sese invicem semper diligent, sicut ego dilexi, & diligo illos. Semper diligent, & observent Dominam meam Paupertatem, semper Prælatis, & Clericis sanctæ Matris Ecclesiæ fideles sint, & subjecti. Benedicat & custodiat eos Pater, & Filius, & Spiritus Sanctus. Amen.

Alia in suo Transitu.

VAlete Filii omnes in timore Domini, & permanete in eo semper. Et quia futura tribulatio, & tentatio appropinquat; flices, qui perseverabunt in his, quæ coeperunt. Ego verò ad Deum propero, cuius gratia vos omnes commendo. Ego, quod meum est, feci; quod vestrum est, edoceat Christus.

BENEDICTIO data

F. Eliae totius Ordinis Vicario Generali.

TE Fili mi! in omnibus, & super omnia benedico, & sicut in manibus tuis Fratres meos, & filios augmentavit Altissimus; ita & super te, & te in omnibus benedico in cælo, & in terra. Benedicat te Rex omnium Deus. Benedico te, sicut possum, & plus quam possum; & quod non possum ego, possit in te, qui omnia potest. Recordetur Deus operis tui, & laboris; & in retributio-ne Justorum sors tua servetur. Omnem Benedictionem [quam cupis] invenias, & quod dignè postulas, impleatur.

Tandem seu nimii doloris, seu Seraphici amoris vi exhaustus, laboribusque pro animarum salute suscepit fatigatus S. Pater, ultimam mortis horam instare sibi persentiens, innumeris Meritorum splendoribus radians, dulci morre correptus, annum ætatis agens circiter quadragesimum quintum, vitam hanc transitoriam cum cælesti sanctissimè commutavit in Conventu S. MARIAE Angelorum, Assisi. Anno 1226. IV. Octob. Die Sabbati serò. Cujus mortem F. Elias Vicarius Gen. Ord. sequentibus litteris, modestiæ & affectu plenissimis Fratribus per orbem dispersis significavit.

Dilecto sibi in Christo F. Gregorio, Ministro Fratrum, qui sunt in Francia. cum omnibus Fratribus suis, & nostris,

F. Elias Peccator Salutem.

A Ntequam loqui incipiam, suspiro! & merito. Quasi inundantes aquæ, sic rugitus meus: quia timor [quem timebam] evénit mihi, evénit & vobis; & quod verebar, accidit mihi; accidit & vobis; quia longè à Nobis

Nobis factus est Consolator; & qui portabat nos velut agnos in brachio suo, peregrè profectus est in regionem longinquam. Dilectus Deo, & hominibus, receptus est ad lucidissimas regiones. Qui legem vitæ, & disciplinæ docuit Jacob, & testamentum Patris tradidit Israël. Gaudendum nimis est, præterpunctum eum; sed dolendum nobis, quos, ipso absente, circumdant tenebræ, & operit umbra mortis. Commune damnum, sed meum singulare periculum, quem in ipso tenebrarum medio dereliquit multis occupationibus circumdatum, & oppressum flagellis innumeris! Propterea deprecor, dolete mecum, Fratres! quia ego nimis doleo, & condoleo vobis; quoniam pupilli sumus absque Patre, & orbati lumine oculorum nostrorum! Verè, verè lumen erat Præsentia Fratris & Patris nostri FRANCISCI; non nobis solum, qui eramus propè: sed & his, qui longè erant à nobis Professione & vitâ. Erat enim lux à verâ luce emissa, illuminans hos, qui longè erant à nobis professione, & vitâ; & in tenebris erant, & in unbrâ mortis sedebant: ut dirigeret pedes eorum in viam pacis. Quod & fecit, prout verus Meridies exalto illustrabat cor ejus, & accendebat voluntatem igne amoris sui, prædicans regnum Dei, & convertens corda Patrum ad Filios, & imprudentes ad prudentiam Justorum; & in univerlo mundo paravit Domino plebem perfectam, & novam. Ad insulas longè divulgatum est nomen ejus, & mirata sunt universæ terræ mirabilia opera ejus. Propterea nolite Filii, & Fratres tristari: Quod excedat modum; quoniam orphorum Pater Deus consolabitur nos consolacione suâ sanctâ; & si fletis Fratres: Super vos ipsos flete; non super illum. Nam mediâ vitâ in morte sumus; ipse verò transit de morte ad vitam. Jucundamini, quia (antequam tolleretur à nobis) tanquam alter Jacob om-

Vinea Seraphica.

nes Filios suos benedixit, & omnibus remisit culpas, quæ in eum factæ fuissent, vel cogitatæ ab aliquo nostrûm. Et his diuinis annuntio vobis gaudium magnum, & miraculi novitatem. à sæculo non est auditum tale signum, præterquam in Filio Dei, qui est Christus Deus. Non diu ante mortem Frater, & Pater noster apparuit crucifixus, quinque plagas (quæ verè sunt Stigmata Christi) portans in corpore suo; nam manus ejus & pedes quasi puncturas clavorum habuerunt ex utraque parte confixas, referentes cicatrices, & clavorum nigredinem ostendentes; Latus verò ejus lanceatum apparuit, & saepè sanguinem evaporavit. Dum adhuc vivebat spiritus ejus in corpore, non erat in eo aspectus, sed despectus vultus ejus; & nullum membrorum in eo remansit absque nimia passione, & contractione nervorum. Membra ejus rigida erant, sicut esse solent hominis mortui; sed post mortem ejus, pulcherrimus aspectus est miro candore rutilans, laetificans videntes: Et membra, quæ priùs rigida erant, facta sunt mollia nimis, se revertentia luce, atque illum, secundum positionem suam, tanquam pueri delicati. Ergo Fratres! benedicte Deum cœli, & coram omnibus viventibus confitemini illi, quia fecit nobiscum misericordiam suam, & habete memoriam Patris, & Fratris nostri FRANCISCI, ad laudem, & gloriam ejus: qui magnificavit eum inter homines, & coram Angelis glorificavit illum. Oretis pro ipso, sicut antea à vobis postulavit, & ipsum orate, ut Deus nos cum ipso efficiat suæ gratiæ sanctæ participes. Amen.

IV. Non. Octob. die Dominicâ, primâ hora noctis præcedentis, Pater & Frater noster FRANCISCUS migravit ad Christum. Nos ergo (charissimi Fratres! omnesque ad quos litteræ præsentes pervenerint) Israëlici populi sequentes vestigia, deplorantis

Moylen & Aaron, inclytos Duces suos, viam demus lacrymis tanti Patris solatio destituti! Licet enim pium sit congaudere FRANCISCO, pium est tamen flere FRANCISCUM. Revera pium est congaudere FRANCISCO; quoniam ipse non obiit, sed ad caelestes nundinas abiit, saccum pœnitentiae secum ferens, & in pleniluniis reversurus. Pium est flere FRANCISCUM, quoniam qui egrediebatur, & ingrediebatur tanquam Aaron, & ferens nobis de thesauro suo nova & vetera, & consolans nos in omni tribulatione nostrâ, de medio nostrâ sublatus est, & nunc pupilli dicimur absque Patre. Sed quoniam scriptum est: Tibi derelictus est pauper, orphano tu eris adjutor; omnes (Fratres charissimi) oretis instanter; quod si laguncula testea confracta est in valle filiorum Adam; summus tamen ille Figulus aliam honorificam restaurare dignetur, quæ sit super multitudinem gentis nostræ; & nos sicut verus Machabæus antecedat ad prælium. & quia non est superfluum, orare pro mortuis: pro Anima ejus oretis ad Dominum. Quilibet Sacerdos dicat III. Missas singuli Clerici Psalterium; Laici V. Pater noster. Clerici dicant solemniter Vigiliam in Communi. Amen.

F. Elias Peccator.

Anno Domini 1230. octavo Kal. Jun. sacrum ejus corpus, quod in Ecclesia Parochiali ad S. Georgium Assisi prius tumulatum requieverat, jussu Ss. D. Papæ Gregorii IX. translatum est ad sumptuosam Basilicam B. FRANCISCI honori dedicata-

tam, constructam in loco (Collis inferni dictam) ubi solebant malefactores plecti. Sic enim ante mortem petens S. Pater Fratribus suis mandaverat, ut in eodem intam suppliiorum loco sepeliretur, ad exprimendam eò majorem Francisci cum Christo Domino similitudinem; ut (qui in Nativitate suâ in stabulo natus eidem assimilatus fuerat) eadem quoque post mortem non dissimilis haberetur. Papa autem *Gregorius IX.* pro splendidâ hac Basilicâ Assisi S. FRANCISCI honori dedicatâ primum lapidem posuit, locum istum (Collem Paradisi nominando; quo & nomine in hodiernum usque diem honoratur. Hæc Ecclesia cum triplici formice fabricata conspicitur, in cuius fornice infimo requiescit S. Corpus Seraphici Patris in pedes diametraliter erectum, integrum, illæsum, oculis patentibus, vulneribus recente subinde sanguine manantibus. Quorum omnium testis oculatus fuit *Nicolaus Papa V. Franciscus de Bautio, Dux Andrie, Thomas Bozzius, Albornatius Card. Hisp. Sixtus IV. Pontifex Maximus.* vide *Sedul. ad vitam S. Francisci C. 5: Fortun. Huber in Menolog. fol. 1139.* Quod autem mirificum hoc corpus oculis publicè non pateat: specialis est summi Dei dispositio, qui mirabilis est in Sanctis suis; quique (quod sacrum, & silentio dignum est) propalari, & inspici prohibetur. Cum rebus religione & sacramento plenis Deus talem aliquando venerationem & reverentiam conciliet; uti ait *S. Bonaventura, S. Antonin. Wading. Artur. apud Fort. Huber. fol. 1139.*

